



文選尤卷第七目

詔

求賢良詔一首

漢武帝

賢良詔一首

漢武帝

冊

冊魏公九錫文一首

文選尤卷七目



潘勗

令

宣德皇后令一首

任昉

教

爲宋公修張良廟教一首

傅亮

策問

永明九年策秀才文五首

王融

永明十一年策秀才文五首

王融

上書

上秦始皇書一首

李斯

上書吳王一首

鄒陽

獄中上書自明一首

鄒陽

上書諫獵一首

司馬相如

上書諫吳王一首

枚乘

上書重諫吳王一首

枚乘

詣建平王上書一首

江淹

文選尤卷第七

詔

求賢良詔

漢武帝

詔曰蓋有非常之功必待非常之人故馬或奔
蹏而致千里士或有負俗之累而立功名夫泛
駕之馬跡弛之士亦在御之而已其令州縣察
吏民有茂才異等可爲將相及使絕國者

若不能御他畢
竟還是賢良方

正

唐荆川曰只寥寥數語而起伏得體開闔有
法漢室之詔此其尤工

賢良詔

漢武帝

朕聞昔在唐虞畫象而民不犯。日月所燭莫不
率俾。周之成康刑錯不用。德及鳥獸。教通四海。
海外肅慎。北發渠搜。氐羌來服。星辰不孛。日月
不蝕。山陵不崩。川谷不塞。麟鳳在郊。藪河洛出。
圖書。嗚呼。何施而臻此乎。今朕獲奉宗廟。夙興
以求。夜寐以思。若涉淵水。未知所濟。猗歟偉歟。

肅慎以下皆外
夷地名

感慨有思

虛懷可挹

何行而可以彰先帝之洪業。休德上參堯舜。下配三王。朕之不敏。不能遠德。此子大夫之所覩聞也。賢良明於古今王事之體。受策察問。咸以書對。著之于篇。朕親覽焉。

胡秋宇曰：此詔如商彝周鼎。海外瓌寶氣色。

蒼秀骨體神駿

冊

冊魏公九錫文

潘勗

制詔使持節丞相領冀州牧武平侯朕以不德少遭閔凶越在西土遷于唐衛當此之時若綴旒然宗廟乏祀社稷無位羣凶覬覦連帶城邑一人尺土朕無獲焉卽我高祖之命將墜於地朕用夙興假寐震悼于厥心曰惟祖惟父股肱

霜鐸朗畫匣之姿虹玉絢荆岩之氣

以上言國步艱
而求助切下歷
叙其功也

數段文勢縱橫
詞法叢密若掩
映飛軒承落照
參差步障列朝
霞

先○正○其○孰○恤○朕○躬○乃○誘○天○衷○誕○育○丞○相○保○乂○我○
皇○家○弘○濟○于○艱○難○朕○實○賴○之○今○將○授○君○典○禮○其○
敬○聽○朕○命○昔○者○董○卓○初○興○國○難○羣○后○釋○位○以○謀○
王○室○君○則○攝○進○首○啟○戎○行○此○君○之○忠○於○本○朝○也○
後○及○黃○巾○反○易○天○常○侵○我○三○州○延○於○平○民○君○又○
討○之○剪○除○其○跡○以○寧○東○夏○此○又○君○之○功○也○韓○暹○
楊○奉○專○用○威○命○又○賴○君○勲○克○黜○其○難○遂○建○許○都○
造○其○京○畿○設○官○兆○祀○不○失○舊○物○天○地○鬼○神○於○是○

獲○乂○此○又○君○之○功○也○袁○術○僭○逆○肆○於○淮○南○懾○
君○靈○用○不○顯○謀○斬○陽○之○役○橋○蕤○授○首○稜○威○南○厲○
術○以○殞○潰○此○又○君○之○功○也○迴○戈○東○指○呂○布○就○戮○

音雖

乘○軒○將○返○張○揚○沮○斃○音雖固○伏○罪○張○繡○稽○伏○此○又○
君○之○功○也○袁○紹○逆○常○謀○危○社○稷○憑○恃○其○衆○稱○兵○
內○侮○當○此○之○時○王○師○寡○弱○天○下○寒○心○莫○有○固○志○
君○執○大○節○精○貫○白○日○奮○其○武○怒○運○諸○神○策○致○屈○
官○渡○大○殲○醜○類○俾○我○國○家○拯○於○危○墜○此○又○君○之○

功也。濟師洪河，拓定四州。袁譚高幹，咸梟其首。海盜奔迸，黑山順軌。此又君之功也。烏丸三種，崇亂二世。袁尚因之，逼據塞北。東馬懸車，一征而滅。此又君之功也。劉表背誕，不供貢職。王師首路，威風先逝。百城八郡，交臂屈膝。此又君之功也。馬超成宜，同惡相濟。濱據河潼，求逞所欲。殄之渭南，獻馘萬計。遂定邊城，撫和戎狄。此又君之功也。鮮卑丁令，重譯而至。單于白屋，請吏

數語摠括前意
而言其功過于
伊周

此至惡馬亡先
王有崇德報功
之典而以周之
錫齊晉為証

履足履使德行
于四方專征伐

帥職此又君之功也。君有定天下之功，重以明德。班序海內，宣美風俗。旁施勤教，恤慎刑獄。吏無苛政，民不回慝。敦崇帝族，援繼絕世。舊德前功，罔不咸秩。雖伊尹格于皇天，周公光于四海。方之蔑如也。朕聞先王竝建明德，胙之以土，分之以民。崇其寵章，備其禮物。所以蕃衛王室，左右厥世也。其在周成，管蔡不靖，懲難念功。乃使邵康公錫齊，太公履東至於海，西至於河，南至於

五鳳鳴九龍
旋統

此下所以報其
功也

分封諸侯各取
方土苴白茅以
爲社魏在北故
云玄凡立社必
用龜以下冢大
也

於穆陵北至於無棣五侯九伯實得征之世祚
太師以表東海爰及襄王亦有楚人不供王職
又命晉文登爲侯伯錫以二輅虎賁鈇鉞秬鬯
弓矢大啟南陽世作盟主故周室之不壞繫二
國是賴今君稱丕顯德明保朕躬奉答天命導
揚弘烈綏爰九域罔不率俾功高乎伊周而賞
卑乎齊晉朕甚慙焉朕以眇身託於兆民之上
永思厥艱若涉淵水非君攸濟朕無任焉今以

冀州之河南河內魏郡趙國中山鉅鹿常山安
平甘陵平原凡十郡封君爲魏公使使持節御
史大夫慮授君印綬冊書金虎符第一至第五
竹使符第一至第十錫君玄土苴以白茅爰契
余龜用建冢社昔在周室畢公毛公入爲卿佐
周邵師保出爲二伯外內之任君實宜之其以
丞相領冀州牧如故今更下傳璽肅將朕命以
允華夏其上故傳武平侯印綬今又加君九錫

勸分有無相濟也昏強也

數而精健而猷

其敬聽後命以君經緯禮律為民軌儀使安職業無或遷志是用錫君大輅戎輅各一玄牡二駟君勸分務本音敏嗇民昏作粟帛滯積大業惟興是用錫君衮冕之服赤舄副焉君敦尚謙讓俾民興行少長有禮上下咸和是用錫君軒懸之樂六佾之舞君翼宣風化爰發四方遠人回面華夏充實是用錫君朱戶以居君研其明哲思帝所難官才任賢羣善必舉是用錫君納陛以

豐屋華楹奇構為落

登君秉國之均正色處中纖毫之惡靡不抑退是用錫君虎賁之士三百人君糾虔天刑章厥有罪犯闕干紀莫不誅殛是用錫君鈇鉞各一君龍驤虎視旁眺八維掩討逆節折衝四海是用錫君彤弓一彤矢百音盧旅弓十旅矢千君以溫恭為基孝友為德明允篤誠感乎朕思是用錫君秬鬯一卣珪瓚副焉魏國置丞相以下羣卿百僚皆如漢初諸王之制君往欽哉敬服朕命

復政期望勸勉之意

簡恤爾衆。時亮庶功用。終爾顯德。對揚我高祖之休命。

簡練峻拔。瑩朗沉壯。其韻鏗然。其色蒼然。氣厚而神全。意該而語贍。

令

宣德皇后令

任昉

太后欲禪位于梁王。上辭沈約等奏太后勸進。令昉為太后令。梁王受禪。

不改不易謂不久也。九星九州。貞正觀視也。暴亂既除。則正視於天下。

宣德皇后敬問具位。夫功在不賞。故庸勲之典。蓋闕。施侔造物。則謝德之途已寡。要不得不彊為之名。使荃宰有寄。公實天生。德齊聖廣。淵不改參辰。而九星仰止。不易日月。而二儀貞觀。在昔晦明。隱鱗戢翼。博通羣籍。而讓齒乎一卷之

博通四句俱隱
鱗敢異意

此表其謙以居
功

介之推不受晉
祿馮異獨屏樹
下而不言功狹
章齊東昏也鞠
告也武王伐紂
乘白旄以麾黃

鳥地名屈跡也

此設言梁豈有
此符瑞而應登
天位

師。劍。氣。陵。雲。而。屈。跡。於。萬。夫。之。下。辯。析。天。口。而。
似。不。能。言。文。擅。雕。龍。而。成。輒。削。橐。爰。在。弱。冠。首。
應。弓。旌。客。游。梁。朝。則。聲。華。籍。甚。薦。名。宰。府。則。延。
譽。自。高。隆。昌。季。年。勤。王。始。著。建。武。惟。新。締。構。斯。
在。功。隆。賞。薄。嘉。庸。莫。酬。一。馬。之。田。介。山。之。志。愈。
厲。六。百。之。秩。大。樹。之。號。斯。存。及。擁。旄。司。部。代。馬。
不。敢。南。牧。推。轂。樊。鄧。胡。塵。罕。嘗。夕。起。惟。彼。狡。童。
窮。凶。極。虐。衣。冠。泯。絕。禮。樂。崩。喪。既。而。鞠。旅。誓。衆。

言。謀。王。室。白。羽。一。麾。黃。鳥。底。定。甲。既。鱗。下。車。亦。
瓦。裂。致。天。之。屈。拱。揖。羣。后。豐。功。厚。利。無。得。而。稱。
是。以。祥。光。總。至。休。氣。四。塞。五。老。游。河。飛。星。入。昴。
而。地。狹。乎。四。履。勢。卑。乎。九。伯。帝。有。恧。焉。輶。軒。萃。
止。今。遣。某。位。某。甲。等。率。茲。百。辟。人。致。其。誠。庶。匪。
席。之。旨。不。遠。而。復。

古雅疎蕩如此枝奇岷綠陰蕨

管管仲下如仁
亦仲也易坤辭
云君子黃中通
理圮上卽黃石
授兵法處商洛
四皓所居

以上言張良出
處之漸塗次以

教

爲宋公脩張良廟教

傅亮

綱紀。去盛德不泯。義存祀典。微管之歎。撫事彌
深。張子房道亞黃中。照隣殆庶。風雲玄感。蔚爲
帝師。夷項定漢。大拯橫流。固已參軌伊望。冠德
如仁。若乃神交圮上。道契商洛。顯默之際。宵然
難究。淵流浩瀆。莫測其端矣。塗次舊沛。佇駕留

下方七修廟

隱士侯麻為夷
門監者武子十
會食邑于隨

城靈廟荒頓遺像陳昧撫跡懷人永歎寔深過
大梁者或佇想於夷門游九原者亦流連於隨
會擬之若人亦足以云可改構棟宇脩飾丹青
蘋蘩行潦以時致薦抒懷古之情存不刊之烈
主者施行

立意簡實吐辭嘹亮即事凝毫深情可挹

策問

永明九年策秀才文五首

王融

此策以昌言

廣成子在空峒
之上黃帝順下
風騰行再拜而
問堯觀乎華封
封人三祝中有
乘彼白雲至於
帝鄉之語舜有
告善之旌禹為
銘于荀簾以求

問秀才高第明經朕聞神靈文思之君聰明聖
德之后體道而不居見善如不及是以崆峒有
順風之請華封致乘雲之拜或揚旌求士或設
簾待賢用能敷化一時餘烈千古朕夤奉天命
恭惟永圖審聽高居載懷祗懼雖言事必史而

直言象魏天子
闕所以命百官
為箴戒之言懸
于上

此策以務本

農祥房星晨正

立春之日土膏

土脉潤起青旗

朱紘皆旗飾杏

花萼葉皆及時

發生冷風和風

精言古語有音
有神

此策以欽恤

堯畫其衣冠使

罪人服之異於

常人人皆不犯

法百錢贖刑四

支墨劓宮割深

淵峭如墻莫有

敢入以比法無

教民莫敢犯縱

榮詣闕歌鷄鳴

象闕未箴寤寐嘉猷延佇忠實子大夫選名升
學利用賓王懋陳三道之要以光四科之首鹽
梅之和屬有望焉

又問昔周宣惰千畝之禮號公納諫漢文缺三
推之義賈生置言良以食惟民天農為政本金
湯非粟而不守水旱有待而無遷朕式照前經
寶茲稼穡祥正而青旗肅事土膏而朱紘戒典
將使杏花萼葉耕穫不愆古賦字清叻冷風述遵無廢

而釋耒佩牛相訟莫反兼貧擅富浸以為俗若
爰井開制懼驚擾愚民瀉鹵可腴恐時無史白
與廢之術矢陳厥謀

又問議獄緩死大易深規敬法恤刑虞書茂典
自氓俗澆弛法令滋彰肺石少不寃之民棘林
多夜哭之鬼朕所以明發動容具食與慮傷秋
荼之密網惻夏日之嚴威永念畫冠緬追刑厝
徒以百鍰輕科反行季葉四支重罰爰創前古

詩願為官婢贖
父罪帝赦之詔
除肉刑

此策以裕用

仁人之言有
挾纊

漢宣賦錢藏于
都內太公立九
府園法園均而
通也赤仄榆莢
皆錢也

漢策以七政

淮南子冬至為
德夏至為刑尚
書分命羲仲和
仲都衍說天五
勝歷數之事夏
后氏尚黑戎事
乘驪建寅殷人
尚白戎事乘翰
建丑

訪游禽於絕澗作霸秦基歌雞鳴於闕下稱仁
漢牘二途如爽即兼通昌言所安朕將親覽
又問聚人曰財次政曰貨泉流表其不匱貿遷
通其有亡既龜貝積寢緡纏專用世代茲多銷
漏參倍下貧無兼辰之業中產闕游歲之貲惟
瘼卹隱無捨矜歎上帝溥臨賜朕休寶命邛斜
之谷開而出銅且有後命事茲鎔範充都內之
金紹園府之職但赤仄深巧學之患榆莢難輕

音曼講

重之權開塞所宜悉心以對

又問治歷明時昭遷革之運改憲勅法審刑德
之原分命顯於唐官文條炳於鄒說及嶠夷廢
職昧谷虧方漢秉素祗之徵魏稱黃星之驗紛
爭空軫疑論無歸朕獲纂洪基思弘至道庶令
日月休徵風雨玉燭克明之旨弗遠欽若之義
復還於子大夫何如哉其驪翰改色寅丑殊建
別白書之

五問得治理之肯綮識興廢之機宜古雅淵
沉精微明切立政之經也

永明十一年策秀才文五首

王融

此欲閭井殷富
且期振齊民之
惰窳者而歸之
業

毛詩豐年多黍
多稌張堪為漁
陽太守桑無附
枝麥穗兩岐幽
七月詩云無衣
無褐何以卒歲

問秀才。朕秉籙御天。握樞臨極。五辰空撫。九序
未歌。至於思政。明臺訪道。宣室若墜。之惻每勤。
如傷之念。相軫故恤。貧緩賦省。徭慎獄幸。四境
無虞。三秋式稔。而多黍多稌。不與兩穗之謠。無
褐無衣。必盈七月之歎。豈布政未優。將罷民難
業。登爾於朝。是屬宏議。罔弗同心。以匡厥辟。

此因官不稱職者衆欲汰冗員

朱宣少吳氏也以鳥名官爲五正九工卽舜命九官舜改正朔以上承火德色當黃故云黃序

此因天下守令不職欲蒐逸才

珪符刺史銅墨縣令魯恭爲中牟令有雉止其傍化及鳥獸也宋均遷九江太守蝗飛至界輒東西散去

此欲立權宜之制使民務本抑末以興文學

又問惟王建國惟典命官上叶星象下符川嶽必待天爵具修人紀成事然後泐才授職揆務分司是以五正置於朱宣下民不忒九工開於黃序庶績其凝周官三百漢位兼倍歷茲以降游惰寔繁若閑冗畢弃則橫議無已冕芻不澄則坐談彌積何則可脩善詳其對

又問昔者賢牧分陝良守共治下邑必樹其風一鄉可以爲績至有旦撫鳴琴日置醇酒文而

無害嚴而不殘故能出人於阡危之域躋俗於仁壽之地是以賈誼有言下之有惡吏之罪也頃深汰珪符妙簡銅墨而春雉未馴秋螟不散入在朕前湊其智畧出連城守闕爾無聞豈薪槲之道未弘爲網羅之目尚簡悉意正辭無侵執事

又問朕聞上智利民不述於禮大賢彊國罔圖惟舊豈非療飢不期於鼎食拯溺無待於規行

是以三王異道而共昌。五霸殊風而並烈。今農戰不脩。文儒是競。弃本徇末。厥弊滋多。昔宋臣以禮樂爲殘賊。漢主比文章於鄭衛。豈欲非聖無法。將以旣道而權。今欲專士女於耕桑。習鄉閭以弓騎。五都復而事庠序。四民富而歸文學。其道奚若。爾無面從。

又問自晉氏不綱。關河蕩析。宋人失馭。淮汴崩離。朕思念舊民。永言攸濟。故選將開邊。勞來安

此欲不用干戈而招集未定諸郡

詩云皇皇者華君遣使臣也季武子如晉晉侯饗之范宣子賦黍苗武子曰小國之仰大國也如百穀之仰膏雨也

集加以納款通和。布德脩禮。歌皇華而遣使。賦膏雨而懷賓。所以關洛動南望之懷。獯夷遽北歸之念。夫危葉畏風。驚禽易落。無待干戈。聊用辭辯。片言而求三輔。一說而定五州。斯路何階。人誰或可。進謀誦志。以沃朕心。

五問有慷慨謀國之槩。有回時救世之權言。詞肫懇氣。度整暇。可以弘濟萬品。典御十方。

不引前代他國
先次第四君之
用客與客之有
功於秦便見客
不當逐

上書

上秦始皇書

李斯

臣聞吏議逐客。竊以為過矣。昔者穆公求士。西
取由余於戎。東得百里奚於宛。迎蹇叔於宋。來
邳豹。公孫支於晉。此五子者。不產於秦。而穆公
用之。并國三十。遂霸西戎。孝公用商鞅之法。移
風易俗。民以殷盛。國以富彊。百姓樂用。諸侯親

客何負一句如
危峰阻日向使
四句如三峽餘
波

陛下至不立于
側似三段只一
意反覆而語不
相沿蓋見精彩

服。獲。楚。魏。之。師。舉。地。千。里。至。今。治。強。惠。王。用。張。
儀。之。計。拔。三。川。之。地。西。并。巴。蜀。北。收。上。郡。南。取。
漢。中。包。九。夷。制。鄢。郢。東。據。成。臯。之。險。割。膏。腴。之。
壤。遂。散。六。國。之。從。使。之。西。面。事。秦。功。施。到。今。昭。
王。得。范。雎。廢。穰。侯。逐。華。陽。強。公。室。杜。私。門。蠶。食。
諸。侯。使。秦。成。帝。業。此。四。君。皆。以。客。之。功。由。此。觀。
之。客。何。負。於。秦。哉。向。使。四。君。却。客。而。不。納。疎。士。
而。不。與。是。使。國。無。富。利。之。實。而。秦。無。強。大。之。名。

也。今陛下致崑山之玉。有和氏之寶。垂明月之
珠。服太阿之劍。乘織離之馬。建翠鳳之旗。樹靈
鱗之鼓。此數寶者。秦不生一馬。而陛下悅之。何
也。必秦國之所生。然後可。則夜光之璧。不飾朝
廷。犀象之器。不為玩好。而趙衛之女。不充後庭。
駿馬音決蹄駛騏。不實外廐。江南金錫。不為用。蜀之丹
青。不為采。所以飾後宮。充下陳。娛心意。悅耳目。
者。必出於秦。然後可。則是宛珠之簪。傅璣之珥。

此又以音樂明
之見必取材于
他國

快意句提上四
段喻志
及覆辨駁至此
方入正意如一
髮引千鈞又如
電逝而疾逸

今古名言

此俱以却客之
禍

數語收拾前面
許多意思何等

阿縞之衣錦繡之飾不進於前而隨俗雅化佳
冶窈窕趙女不立於側也夫擊甕扣缶彈箏搏
髀而歌嗚嗚快耳者真秦之聲也鄭衛桑間韶
虞武象者異國之樂也今棄擊甕而就鄭衛退
彈箏而取韶虞若是者何也快意當前適觀而
已矣今取人則不然不問可否不論曲直非秦
者去為客者逐然則是所重者在乎色樂珠玉
而所輕者在乎民人此非所以跨海內制諸侯

之術也臣聞地廣者粟多國大者人眾兵強者
則士勇是以泰山不讓土壤故能成其大河海
不澤細流故能就其深王者不却眾庶故能明
其德是以地無四方民無異國四時充美鬼神
降福此五帝三王之所以無敵也今乃棄黔首
以資敵國却賓客以業諸侯使天下之士退而
不敢西裹足不入秦此所謂藉寇兵而齎盜糧
者也夫物不產於秦可寶者多士不產於秦願

問暇何等筆力

忠○者○衆○今○逐○客○以○資○敵○國○損○民○以○益○讐○內○自○虛○而○外○樹○怨○諸○侯○求○國○無○危○不○可○得○也○

材○次○崖○曰○只○就○逐○客○一○事○生○枝○生○葉○及○覆○頓○伏○者○無○限○態○度○無○限○精○神○譬○如○韓○信○用○兵○運

智○出○奇○尋○常○不○可○意○度○真○秦○漢○開○第○美○等○文

如○雲○布○曳○若○星○流○朱○熯○綠○烟○尔○合○尔○散○

上書吳王

鄒陽

吳王濞有邪謀
陽奏書諫其意
沉鬱不露欲令
王深思而得所
以為隱諫也

鬪城六句假言
諸國為漢拒胡
實言諸國與吳
連兵伐漢下言

臣○聞○秦○倚○曲○臺○之○宮○懸○衡○天○下○畫○地○而○人○不○犯○兵○加○吳○越○至○其○晚○節○末○路○張○耳○陳○勝○連○從○兵○之○據○以○叩○函○谷○咸○陽○遂○危○何○則○列○郡○不○相○親○萬○室○不○相○救○也○今○胡○數○涉○北○河○之○外○上○覆○飛○鳥○下○不○見○伏○兔○鬪○城○不○休○救○兵○不○至○歿○者○相○隨○輦○車○相○屬○轉○粟○流○輸○千○里○不○絕○何○則○強○趙○責○於○河○間○六

文選尤卷七

手

其所由也

救兵一段陽欲阻吳遂謀又不欲斥言曰錯亂其詞言諸侯伐漢必有以應之彼此不能相救安得不患

蛟龍至察聽其至先言已效忠之意以動其聽

此言有逐謀必有殃禍以惧之

鷲鳥比諸侯鷲比天子沈沒也西廢遷于蜀也壤子猶云愛子

齊望於惠后。城陽顧於盧博。三淮南之心思墳墓。大王不憂。臣恐救兵之不專。胡馬遂進。窺於邯鄲。越水長沙。還舟青陽。雖使梁并淮陽之兵。下淮東。越廣陵。以遏越人之糧。漢亦折西河而下。北守漳水。以輔大國。胡亦益進。越亦益深。此臣之所為大王患也。臣聞蛟龍驤首奮翼。則浮雲出流。霧雨咸集。聖王砥節脩德。則游談之士歸義。思名。今臣盡智畢議。易精極慮。則無國而

不可干飾固陋之心。則何王之門。不可曳長裾乎。然臣所以歷數王之朝。背淮千里而自致者。非惡臣國而樂吳民也。竊高下風之行。尤說大王之義。故願大王無忽察聽。其至臣聞鷲鳥累百。不如一鶚。夫全趙之時。武力鼎士。絃服叢臺之下者。一旦成市。不能止幽王之沈患。淮南連山東之俠。歿士盈朝。不能還厲王之西也。然則計議不得。雖諸賁不能安其位。亦明矣。故願大

此言文帝于骨肉甚厚一有逆謀仆而囚之安可不以此為鑒

吳有邪臣設逆謀以誤王故兩言新垣平以諫

此下言以項羽之強尚見破滅見勝負不可測

王審畫而已。始孝文皇帝據關入立。寒心銷志。不明求衣。自立天子之後。使東牟朱虛東襄儀。父之後。深割嬰兒王之壤。子王梁代。益以淮陽。卒仆濟北。囚弟於雍者。豈非象新垣等哉。今天子新據先帝之遺業。左規山東。右制關中。變權易勢。大臣難知。大王弗察。臣恐周鼎復起於漢。新垣過計於朝。則我吳遺嗣不可期於世矣。高皇帝燒棧道。灌章邯。兵不留行。收弊人之倦。東

馳函谷。西楚大破。水攻則章邯以亡。其城陸擊。則荆王以失其地。此皆國家之不幾者也。願大王熟察之。

劉氏勰曰鄒陽之說吳王喻巧而理至

唐荆川曰此篇全是戰國文而極微婉極精
深骨氣洞達矣、有神

首二句是一篇
主字開口把一
信一疑說起便
覺波瀾萬頃

通篇每一援引
一結束即以是
以字故字接之
斷而不斷一氣
呵成

獄中上書自明

鄒陽

臣聞忠無不報。信不見疑。臣常以爲然。徒虛語耳。昔者荆軻慕燕丹之義。白虹貫日。太子畏之。衛先生爲秦畫長平之事。太白蝕昴。昭王疑之。夫精誠變天地。而信不論兩主。豈不哀哉。今臣盡忠竭誠。畢議願知。左右不明。卒從吏訊。爲世所疑。是使荆軻衛先生復起。而燕秦不悟也。願

以上言君臣相與在於相信玉人至加憐言忠臣之心不可不察

此至易為比磨言古人成敗必人主相知以心然後能排群謀而宏功業

大王熟察之。昔者玉人獻寶。楚王誅之。李斯竭忠。胡亥極刑。是以箕子佯狂。接輿避世。恐遭此患也。願大王察玉人李斯之意。而後楚王胡亥之聽。無使臣為箕子。接輿所笑。臣聞比干剖心。子胥鴟夷。臣始不信。乃今知之。願大王熟察。少加憐焉。語曰。白頭如新。傾蓋如故。何則。知與不知也。故樊於期逃秦之燕。藉荆軻首以奉丹事。王奢去齊之魏。臨城自剄以却齊。而存魏夫。王

奢樊於期。非新於齊。秦而故於燕。魏也。所以去二國而歿兩君者。行合於志。而慕義無窮也。是以蘇秦不信天下。為燕尾生。白圭戰亡六城。為魏取中山。何則。誠有以相知也。蘇秦相燕。人惡之於燕。王燕王按劍而怒。食以馱馱。白圭顯于中山。中山人惡之於魏。文侯文侯投以夜光之璧。何則。兩主二臣。剖心析肝。相信。豈移於浮詞哉。故女無美惡。入宮見妬。士無賢不肖。入朝見

見嫉妬之不容
則卑隱

嫉昔者司馬喜臙脚於宋。宰相中山范睢摺脇折齒於魏。卒爲應侯。此二人者皆信必然之畫。捐朋黨之私。挾孤獨之交。故不能自免於嫉妬之人也。是以申徒狄蹈雍之河。徐衍負石入海。不容身於世。義不苟取。比周於朝。以移人主之心。故百里奚乞食於道路。繆公委之以政。甯戚飯牛車下。而桓公任之以國。此二人者豈素宦於朝。借譽於左右。然後二主用之哉。感於心合。

於義堅如膠漆。昆弟不能離。豈惑於衆口哉。故偏聽生奸。獨任成亂。昔魯聽季孫之說。逐孔子。宋信子冉之計。囚墨翟。夫以孔墨之辯。不能自免於讒諛。而二國以危。何則。衆口鑠金。積毀銷骨。是以秦用戎人。由余而霸中國。齊用越人。子臧而強威宣。此二國豈拘於俗。牽於世。繫竒偏之辭哉。公聽竝觀。垂名當世。故意合則胡越爲昆弟。由余子臧是也。不合則骨肉爲讐敵。朱象。

聖王至為大王
道言人主誠于
任賢必樂為
之用

管蔡是也。今人主誠能用齊秦之明。後宋魯之聽。則五伯不足侔。而三王易為比也。是以聖王覺悟捐子之之心。而不說田常之賢。封比干之後。修孕婦之墓。故功業覆於天下。何則欲善無厭也。夫晉文公親其讎。而強霸諸侯。齊桓公用其讎。而一匡天下。何則慈仁殷勤。誠加於心。此不可以虛辭借也。至夫秦用商鞅之法。東弱韓魏。立強天下。而卒車裂之。越用大夫種之謀。禽

凡用今人主者
三即上三用顧
大王志

觀有功之受禍
則寧禍

爾可使言士為
知已用示已必
有以報主意荆
軻三句言已又
過于二子也

此下言莫為先
容多方設喻照

勁吳而霸中國。遂誅其身。是以孫叔敖三去相。而不悔於陵。子仲辭三公。為人灌園。今人主誠能去驕傲之心。懷可報之意。披心腹。見情素。隳肝膽。施德厚。終與之窮達。無愛於士。則桀之犬。可使吠堯。而跖之客。可使刺由。何況因萬乘之權。假聖王之資乎。然則荆軻沈七族。要離燔婁子。豈足為大王道哉。臣聞明月之珠。夜光之璧。以暗投人於道路。衆莫不按劍相眄者。何則無

後入事意既新
奇文又損挫

鳳穴振儀龍門
標榜

此下欲互不為
說言所惑

上面長引曲譬
千頭萬緒至此
始明目張胆而
正言之

因。而。至。前。也。蟠。木。根。柢。輪。困。離。奇。而。為。萬。乘。器。
者。何。則。以。左。右。先。為。之。容。也。故。無。因。而。至。前。雖。
出。隨。侯。之。珠。夜。光。之。璧。祗。足。結。怨。而。不。見。德。故。
有。人。先。談。則。枯。木。朽。株。樹。功。而。不。忘。今。天。下。布。
衣。窮。居。之。士。身。在。貧。賤。雖。蒙。堯。舜。之。術。挾。伊。管。
之。辯。懷。龍。逢。比。干。之。意。欲。盡。忠。當。世。之。君。而。素。
無。根。柢。之。容。雖。竭。精。神。欲。開。忠。信。輔。人。主。之。治。
則。人。主。必。襲。按。劍。相。眦。之。跡。矣。是。使。布。衣。之。士。

不。得。為。枯。木。朽。株。之。資。也。是。以。聖。王。制。世。御。俗。
獨。化。於。陶。鈞。之。上。而。不。牽。乎。卑。辭。之。語。不。奪。乎。
衆。多。之。口。故。秦。皇。帝。任。中。庶。子。蒙。嘉。之。言。信。荆。
軻。之。說。而。七。首。竊。發。周。文。王。獵。涇。渭。載。呂。尚。而。
歸。以。王。天。下。秦。信。左。右。而。亡。周。用。烏。集。而。王。何。
則。以。其。能。越。拘。孿。之。語。馳。域。外。之。議。獨。觀。於。昭。
曠。之。道。也。今。人。主。沈。於。諂。諛。之。詞。牽。於。帷。牆。之。
制。使。不。羈。之。士。與。牛。驥。同。皁。此。鮑。隼。所。以。忿。於。

此下陽自言雖
為諛言所傷義
不回面汗行以
事諛諛之人詞
義俱正大激烈
輝八有神

世。而。不。留。富。貴。之。樂。也。臣。聞。盛。飾。入。朝。者。不。以。
私。污。義。砥。礪。名。號。者。不。以。利。傷。行。故。里。名。勝。母。
曾。子。不。入。邑。號。朝。歌。墨。子。迴。車。今。欲。使。天。下。恢。
廓。之。士。誘。於。威。重。之。權。脇。於。位。勢。之。貴。回。面。汗。
行。以。事。諛。諛。之。人。而。求。親。近。於。左。右。則。士。有。伏。
歿。堀。穴。巖。藪。之。中。耳。安。有。盡。忠。而。趨。闕。下。者。哉。

鄒東郭曰詞意千翻百轉如九級浮屠愈出
愈高又如萬里黃河滾々不竭終歸大海此

等文章自是元氣未漓時人手作非後世搽
舐染翰者可到

馮小海曰此書援古証今累百千言辭雖繁
而不亂意雖多而咸切且句法蒼勁誠為後
學楷模

相如文多虛詞
濫說獨此為正

以人况獸奇

以獸况人亦奇

上書諫獵

司馬相如

臣聞物有同類而殊能者。故力稱烏獲。捷言慶
忌。勇期賁育。臣之愚暗。竊以爲人。誠有之。獸亦
宜然。今陛下好凌阻險。射猛獸。卒然遇軼才之
獸。駭不存之地。犯屬車之清塵。輿不及還。轅人
不暇施功。雖有烏獲。逢蒙之伎力。不得施用。枯
木朽株。盡爲難矣。是胡越起於轂下。而羌夷接

萬乘三句是一
篇之意

軫也。豈不殆哉。雖萬全無患。然本非天子所宜
近也。且夫清道而後行。中路而馳。猶時有銜橛
之變。而况乎涉豐草。馳丘墟。前有利獸之樂。而
內無存變之意。其爲害也。不亦難矣。夫輕萬乘
之重。不以爲安。而樂出萬有一危之塗。以爲娛
臣竊爲陛下不取也。蓋聞明者遠見於未萌。而
智者避危於無形。禍故多藏於隱微。而發於人
所忽者也。故鄙諺曰。家累千金。坐不垂堂。此言

雖小可以喻大臣願陛下留意幸察。

此書曲盡田獵情狀。而文勢起伏。意致宛轉。

忠愛之情溢乎言表。

語厚意長。憂愛懇至。可爲奏疏法。

隱躍慷慨
淋漓如千峯送
雨山雲觸閣

父子喻君臣下
文滄字解作涼
字

上書諫吳王

枚乘

臣聞得全者昌。失全者亡。舜無立錐之地。以有
天下。禹無十戶之聚。以王諸侯。湯武之主。不過
百里。上不絕三光之明。下不傷百姓之心者。有
王術也。故父子之道。天性也。忠臣不避重誅。以
直諫。則事無遺策。功流萬世。臣乘願披心腹而
效愚忠。惟大王少加意念。惻怛之心。於臣乘言。

以上泛言得天
下有道以啟其
聰此至大感設
喻以明其事之
難濟

參差遠岫斷雲
將野鶴俱飛

此至救火設喻
以言息禍在於
安靜

西秦之鏡南指
之車

此至持矢自言
料事而中以明
言之可信
吳臣適王以逆

夫以一縷之任。係千鈞之重。上懸之無極之高。下垂之不測之淵。雖甚愚之人。猶知哀其將絕也。馬方駭鼓而驚之。係方絕。又重鎮之。係絕於天。不可復結。墜入深淵。難以復出。其出不出。間不容髮。能聽忠臣之言。百舉必脫。必若所欲為。危於累卵。難於上天。變所欲為。易於反掌。安於泰山。今欲極天命之上。壽弊無窮之極。樂究萬乘之勢。不出反掌之易。居泰山之安。而欲乘累

卵之危。走上天之難。此愚臣之所大惑也。人性有畏其影而惡其迹。却背而走。迹逾多。影逾疾。不如就陰而止。影滅迹絕。欲人勿聞。莫若勿言。欲人勿知。莫若勿為。欲湯之滄。一人炊之。百人揚之。無益也。不如絕薪止火而已。不絕之於彼。而救之於此。譬猶抱薪而救火也。養由基楚之善射者也。去楊葉百步。百發百中。楊葉之大。加百中焉。可謂善射矣。然其所止。乃百步之內耳。

必自矜其才智
故以養由基喻

雷滴水處縷索
徐井上木

福生至而止言
禍福起於細微

成于積漸

比於臣乘。未知操弓持矢也。福生有基。禍生有胎。納其基。絕其胎。禍何自來哉。泰山之雷穿石。殫極之縷斷。榦水非石之鑽。索非木之鋸。漸靡使之然也。夫銖銖而稱之。至石必差寸寸而度之。至丈必過石。稱丈量徑而寡失。夫十圍之木始生而蘖足可搔。而絕手可擢。而拔據其未生先其未形也。磨礮砥礪。不見其損。有時而盡。種樹畜養。不見其益。有時而大。積德累行。不知其

操結上素不專
指末數語

善。有時而用。棄義背理。不知其惡。有時而亡。臣願王熟計而身行之。此百代不易之道也。

林次崖曰此書常吳王逆謀未露之先而諫之故全不露出事情而長喻遠譬曲盡利害起伏變化百態橫生

先言秦之威能
滅六國而漢之
地利人民允什
百于秦蓋吳王
既不可理喻自
頃以勢力壓伏
耳

上書重諫吳王

枚乘

昔秦西舉胡戎之難。北備榆中之關。南距羌笮。音非
之塞。東當六國之從。六國乘信陵之藉。明蘇秦
之約。厲荆軻之威。并力一心。以備秦。然秦卒禽
六國。滅其社稷。而并天下者。何也。則地利不同。
而民輕重不等也。今漢據全秦之地。兼六國之
衆。脩戎狄之義。而南朝羌笮。此其與秦地相什。

舉吳兵至無事
是言吳力薄而
無成
天下六句是諷
至可已而不已

此言吳之危府
苑囿險要俱過
於漢甚為可樂

文勢抑揚頓伏
若鶴唳青霄
小叠翠

與下俱之以禍

而民相百。大王之所明知也。今天下讒諛之臣。為大王計者。不論骨肉之義。民之輕重。國之小大。以為吳禍。此臣所以為大王患也。夫舉吳兵。以訾於漢。譬猶蠅蚋之附羣牛。腐肉之齒利劍。鋒接必無事矣。天下聞吳率失職諸侯。願責先帝之遺約。今漢親誅其三公。以謝前過。是大王之威加於天下。而功越於湯武也。夫吳有諸侯之位。而富實於天子。有隱匿之名。而居過於中國。夫漢并二十四郡。十七諸侯。方輸錯出。軍行數千里。不絕於郊。其珍怪不如山東之府。轉粟西向。陸行不絕。水行滿河。不如海陵之倉。修治上林。雜以離宮。積聚玩好。園守禽獸。不如長洲之苑。游曲臺。臨上路。不如朝夕之池。深壁高壘。副以關城。不如江淮之險。此臣之所為大王樂也。今大王還兵疾歸。尚得十半。不然。漢知吳有吞天下之心。赫然加怒。遣羽林黃頭循江而下。

國夫漢并二十四郡十七諸侯方輸錯出軍行數千里不絕於郊其珍怪不如山東之府轉粟西向陸行不絕水行滿河不如海陵之倉修治上林雜以離宮積聚玩好園守禽獸不如長洲之苑游曲臺臨上路不如朝夕之池深壁高壘副以關城不如江淮之險此臣之所為大王樂也今大王還兵疾歸尚得十半不然漢知吳有吞天下之心赫然加怒遣羽林黃頭循江而下

三淮南及齊皆
守漢約不從吳
楚反故反者不
得出兵其郡漢
將圍鄆鄆故曰
囚

襲大王之都。魯東海絕吳之饜道。梁王節車騎。習戰射。積粟固守。以備滎陽。待吳之饑。大王雖欲反都。亦不得已。夫三淮南之計。不負其約。齊王殺身以滅其迹。四國不得出兵其郡。趙囚邯鄲。此不可掩。亦已明矣。今大王已去千里之國。而制於十里之內矣。張韓將北地。弓高宿左右。兵不得下壁。軍不得太息。臣竊哀之。願大王熟察焉。

林次崖曰。此是吳王逆謀已露。故諫之如此。中間利害禍福。及復詳盡。若披雲霧而覩青天。

賤臣謂鄒衍庶
女卽齊少寡養
姑而爲姑女所
誣者
者叙負寃者天
鑒其心故雖死
而不恤下接以
仁不可恃尋以
以起已之被謗
意

詣建平王上書

江淹

昔者賤臣叩心。飛霜擊於燕地。庶女告天。振風
襲於齊臺。下官每讀其書。未嘗不廢卷流涕。何
者士有一定之論。女有不易之行。信而見疑。貞
而爲戮。是以壯夫義士。伏歿而不顧者。此也。下
官聞仁不可恃。善不可依。謂徒虛語。今乃知之。
伏願王鑒。停左右。少加憐察。下官本蓬戶桑樞。

蓬戶至兩天叙
已始進蒙恩思
以自效

鳴盜即鷄鳴狗
盜將軍明按九
宮就三避五五
為友三為生荆
卿在燕燕太子
奉金抵蛙豫讓
報智伯之仇感
伯國士之遇耳
小人至泣血方
言被說之幽辱

此至錐刀之利
列三等人品以
表已之志

之人。布衣韋帶之士。退不飾詩書以驚愚。進不
買名聲於天下。日者謬得升降承明之闕。出入
金華之殿。何嘗不局影凝嚴。側身扃禁者乎。竊
慕大王之義。復為門下之賓。備鳴盜淺術之餘。
豫三五賤伎之末。大王惠以恩光。顧以顏色。實
佩荆卿黃金之賜。竊感豫讓國士之分矣。常欲
結纓伏劔。少謝萬一。剖心摩踵。以報所天。不圖
小人固陋。坐貽謗缺。迹墜昭憲。身陷幽圜。履影

吊心酸鼻。痛骨下官。聞虧名為辱。虧形次之。是
以每一念來。忽若有遺。加以涉旬月。迫季秋天。
光沈陰。左右無色。身非木石。與獄吏為伍。此少
卿所以仰天槌心。泣盡而繼之以血也。下官雖
乏鄉曲之譽。然嘗聞君子之行矣。其上則隱於
簾肆之間。臥於巖石之下。次則結綬金馬之庭。
高議雲臺之上。退則虜南越之君。係單于之頸。
俱啟丹冊。竝圖青史。寧當爭分寸之末。競錐刀

此言謠言之慘
右人見兇以遠
禍

奇峰突起驚鳥
乍飛

聖曆以下直言
欲系已罪

景星醴醴泉
按靈公出田五
丈夫驚獸斷其
頭葬之後景公
田于梧丘夜夢
五人徙倚稱無
罪令厚葬之女
子蘇娥宿鵠奔
亭為亭長所殺
埋樓下刺史周
敞行部夜夢告
寃遂殺亭長

之利哉。下官聞積毀銷金。積讒磨骨。遠則直生
取疑於盜金。近則伯魚被名於不義。彼之二子
猶或如是。况在下官。焉能自免。昔上將之耻。絳
侯幽獄。名臣之羞。史遷下室。至如下官。當何言
哉。夫以魯連之智。辭祿而不返。接輿之賢。行歌
而忘歸。子陵閉關於東。越仲蔚杜門於西。秦亦
良可知也。若使下官事非其虛。罪得其實。亦當
鉗口吞舌。伏七首以殞身。何以見齊魯奇節之

人。燕趙悲歌之士乎。方今聖曆欽明。天下樂業。
青雲浮洛。榮光塞河。西泊臨洮。狄道北距。飛狐
陽原。莫不浸仁沐義。昭景飲醴。而下官抱痛園
門。含憤獄戶。一物之微。有足悲者。仰惟大王少
垂明白。則梧丘之魂。不愧於沈首。鵠亭之鬼。無
恨於灰骨。不任肝膽之切敬。因執事以聞。

不見其張手露爪。而時有磊落軒昂之致。不
見其傷嗟悲憤。而時有痛心疾首之音。其商

風白雲之調落葉吹蓬之曲乎

